

## დიმიტრი შველიძე

### თემურაზ I-ის საგარეო პოლიტიკა და მისი შედეგები

XVII საუკუნის საქართველოს (ძირითადად კახეთის სამეფოს) მიმართ რუსეთის პოლიტიკის არსი, ნ. კარამზინის შეფასებაში დევს – ბუტურლინის ექსპედიციის დამარცხების შემდეგ, რუსეთმა 118 წლით დაკარგა კავკა-სიისადმი ინტერესით. მართლაც, რუსეთის XVII საუკუნის ისტორიას თუ გადავხედავთ, დავრწმუნდებით კარამზინის სიტყვების ჭეშმარიტებაში. ამ საუკუნის პირველი ოცნებულის პერიოდი რუსეთის ისტორიაში ცნობილია როგორც „არეულობის“, „შფოთის“ ანუ „სმუტის ხანა“. ბორის გოდუნოვის მოულოდნელი სიკვდილის შემდეგ გაჩაღდა მწვავე ბრძოლა სამეფო ხელი-სუფლებისათვის. ტახტზე ერთმანეთს ცვლილენენ მცირე ხნით გამეფებული შემთხვევითი პირები და ავანტიურისტები, რომელნიც რუსეთის მოწინააღმდე-გე სახელმწიფოების მარიონეტებს წარმოადგენდნენ. არეულობით ისარგებლა პოლონეთმა და რუსეთის ტერიტორიის მნიშვნელოვანი ნაწილის ოკუპირება მოახდინა. „სმუტის“ დამთავრების შემდეგ, XVII საუკუნის მთელი პირველი ნახევრის განმავლობაში, რუსეთი კონფრონტაციულ დამოკიდებულებაში იყო პოლონეთთან, შვედეთთან და მათ ხელში არსებული რუსული ტერიტორიე-ბის დაბრუნებას ცდილობდა.

1632 წელს რუსეთის ხელისუფლებამ სმოლენსკის დაბრუნების გადა-წყვეტილება მიიღო. 30 000-იანმა ჯარმა ქალაქს ალყაც შემოარტყა, მაგრამ უშედეგოდ. პოლონელებმა რუსთა ჯარი დაამარცხეს და 1634 წლის ზავის პირობებით სმოლენსკი, ჩერნიგოვი და ნოვგოროდ-სევერსკი მიიტაცეს. 1654-1667 და 1656-1658 წლებში მიმდინარეობდა რუსეთ-პოლონეთისა და რუ-სეთ-შვედეთის ომები. ერთი სიტყვით, რუსეთის საგარეო პოლიტიკის ძირი-თადი ყურადღება პოლონეთ-შვედეთისკენ იყო მიმართული.

რაც მთავარია, ამ პერიოდის რუსეთის ხელისუფლება ცდილობდა არ

ჩარეულიყო კავკასიის საქმეებში, არ გაედიზიანებინა ოსმალეთი და ირანი. 1637 წელს დონელმა კაზაკებმა, რომლებიც ოსმალებს სიცოცხლეს უმწარებლნენ განუწყვეტელი თავდასხმებით, ციხესიმაგრე აზოვი აიღეს და რუსეთის მეფეს შეუთვალეს, თავისი ხელისუფლებისათვის დაექვემდებარებინა ციხე. ოსმალეთთან და ყირიმის ხანთან ომის პერსპექტივით შეშინებულმა მეფე მიხეილ რომანოვმა (1613-1645 წწ.), უარი თქვა მუქთა შენაძენზე და ბრძანა, აზოვი ძველი პატრონებისათვის – ოსმალებისათვის დაებრუნებინათ. ერთადერთი მიზანი, რაც რუსებს გააჩნდათ ჩრდილოეთ კავკასიაში, თავდაცვითი პლატიკის წარმოება და მის მფარველობის ქვეშ არსებული ტერიტორიების შენარჩუნება იყო, მაგალითად, თერგ-ქალაქისა, რომლის რეკონსტრუქციაც მიხეილ რომანოვის მმართველობის პერიოდში მოხერხდა.

ამგვარ ვითარებაში ცდილობდა რუსეთისაგან დახმარების მიღებას პრორუსული ორიენტაციის ერთ-ერთი თავგამოდებული ქართველი მეფე თეიმურაზ I დავითის ძე, ალექსანდრე II-ის შვალიშვილი. პირველად თეიმურაზმა მოსკოვში 1616 წლის ოქბერვალში გაგზავნა წერილი – თხოვნა. საპასუხოდ მოსკოვმა დიპლომატიური წარმომადგენელი ვერიოგანი გამოაგზავნა. თეიმურაზს შემოუთვალეს, რომ მოლაპარაკებებისთვის ელჩები გაეგზავნა მოსკოვში, რათა დადგენილიყო, „როგორ უნდა მოექცე ჩვენი მეფური ხელის წყალობის ქვეშ ყველა შენი მტრისაგან დასაცავად“.<sup>1</sup> რუსეთი დიპლომატიურ თამაშებს იწყებდა – იმ პერიოდში იგი ვერც იოცნებებდა კახეთისათვის სამხედრო დახმარების აღმოჩნაზე, მაგრამ სიტყვით მაინც აიმედებდა თეიმურაზს, ყველა მტრის წინააღმდეგ დაგეხმარებით. მალე თერგის ციხესიმაგრის გარნიზონის უფროსმა მოსკოვს შეატყობინა 1616 წლის გაზაფხულ-ზაფხულზე შაჳ აბასის მიერ კახეთის აკლების შესახებ. რუსეთის მეფემ კახეთისკენ გაგზავნილი თავისი შიკრიკი გზიდან უკან, მოსკოვში, დააბრუნა.

თეიმურაზმა, რომელიც შაჳის კახეთში ლაშქრობების შემდეგ დევნილობაში იმყოფებოდა, 1618 წელს მოსკოვში გაგზავნა ელჩობა და რუსეთის მეფეს თხოვა შუამდგომლობა-გამოქომაგება, რათა შაჳ აბასს აღარ აეოხრებინა მისი ქვეყანა. ამავე დროს შაჳ აბასს სამშობლოში უნდა დაებრუნებინა თეიმურაზის შვილები და დედა, რომლებიც მას ირანში მდევრებად ჰყავდა გაგზავნილი. სხვათა შორის, კახთა მეფე აცნობიერებდა მაშინდელი რუსეთის არასავმარის სამხედრო-პლატიკურ პოტენციალს და მიხეილ თევდორეს ძეს

<sup>1</sup> Н. Т. Накашидзе. Грузино-русские политические отношения в первой половине XVII века. Тб. 1968, გვ. 59.

სამხედრო დახმარებას არ თხოვდა. ამის მიუხედავად, თეიმურაზის იმედი რუსეთის მხრიდან დიპლომატიური მხარდაჭერისა, არ გამართლდა.

1618 წლის მაისში ირანში ჩავიდა რუსეთის ელჩობა მ. ბარიატინსკის ხელმძღვანელობით. მას ორმაგი დაკალება ჰქონდა. თუ გამოირკვეოდა, რომ თეიმურაზი ოსმალეთთან კავშირში აღარ იყო და არც შაპ აბასი აპირებდა კახეთში მორიგ ლაშქრობას, მაშინ ელჩი მადლობას მოახსენებდა აბასს, რომ მან გაითვალისწინა რუსეთის მეფის თხოვნა და აღარ ომობს „ქართულ მიწებზე“. ხოლო თუ გაირკვეოდა, რომ თეიმურაზი სულთანთან კავშირშია, მაშინ კრინტიც არ უნდა დაეძრათ კახეთის შესახებ. ბარიატინსკის ელჩობის მიზანი მოსკოვის ირანთან კეთლმეზობლური ურთიერთობის გაღრმავება და სესხის თხოვნა იყო. ამიტომ თავიდანვე გამოირიცხა თეიმურაზის მხარდაჭერა, მით უმეტეს, რომ იმ პერიოდში, კახეთის ლტოლვილი მეფე თავს ოსმალეთს აფარებდა. რუსეთის დიპლომატია და პირადად მეფე მიხეილი ტკბილი სიტყვებით ამშვიდებდნენ თეიმურაზს, კმაყოფილებას გამოოქვამდნენ მისი ელჩობის მოსკოვში გაგზავნის გამო და აიმედებდნენ, შაპს შევუთვალეთ, „ივერიის“ მეფეები ადრე რუსეთის მფარველობის ქვეშ იყვნენ. ცხადია, ამ სიტყვების უკან არავითარი რეალური დახმარება არ იგულისხმებოდა.

თეიმურაზის ცდები რუსეთთან კავშირის აღდგენისა და მოსკოვის თუნდაც ფრთხილი მესიჯები კახეთ-საქართველოს მფარველობაზე მხოლოდ და მხოლოდ აღიზიანებდა შაპ აბასს. მას უფრო უმტკიცდებოდა აზრი, რომ „წყეული გურჯისტანის“ საკითხს ერთხელ და სამუდამოდ მახვილით თუ არ გადაჭრიდა, საქართველოს დაკარგავდა. ამ წლებში თეიმურაზის პრორუსულ-მა პოლიტიკამ, მის მიერ ელჩობის გაგზავნამ მოსკოვში და ბარიატინსკის ელჩობამ ირანში, უფრო ნეგატიური შედეგი გამოიდო. 1620 წელს თეიმურაზის სიჯიუტით განრისხებულმა შაპმა კახთა მეფის შვილები, ლევანი და ალექსანდრე, დაასაჭურისებინა. ლევანი გარდაიცვალა, ხოლო ალექსანდრე ჭკუაზე შეცდა. შაპ აბასმა არავითარი ფურადება არ მიაქცია რუსეთის ხელისუფლების შესაძლო უკმაყოფილებას და გადაწყვიტა სათავეშივე ჩაეკლა რუსეთ-საქართველოს ახლად აღდგნილი ურთიერთობების პერსპექტივა. თეიმურაზის შვილების დასჯით ირანი რუსეთს აგრძნობინებდა, რომ არ მოითმენდა რუსეთის ჩარევას საქართველოს საქმეებში, იმ ქვეყნის საქმეებში, რომელიც მას თავის სამფლობელოდ მიაჩნდა.

რუსული დიპლომატია ირანის შაპთან საქართველოს საკითხის დადებასმას და გამოქომაგებას ერიდებოდა, მაგრამ ცდილობდა თავისი სათქმელი

ირანელი ელჩებისთვის მაინც შეეპარებინა. ჯერ კიდევ 1614 წლის დეკემბერში, რუსეთის საელჩო „პრიკაზში“ შემდგარ საუბარში, რუსეთის დიპლომატიური მოხელე პ. ტრეტიაკოვი ირანელ ელჩს ხოჯა მურთაზს უსაბუთებდა, რომ კახეთის სამეფო ჯერ კიდევ აღექსანდრე II-ის დროიდან იყო რუსეთის მეფის სამსახურში და გაკვირვება გამოოქვა, ირანის მიერ კახეთის აოხრების გამო, მაგრამ საუბრის ბოლოს არ დაავიწყდა, დაემატებინა, რომ ეს მისი პირადი აზრი იყო. მისი სიტყვით, საქართველოს საქმეზე, რუსეთისა და ირანის მეფეები თვითონ შეთანხმდებოდნენ.

1615 წლის ივნისში, როდესაც ყიზილბაშები მეორედ აოხრებდნენ კახეთს, მოსკოვში ირანიდან დაბრუნდა რუსი ელჩი შახმატოვი და ჩაიტანა შაჰჰის ფირმანი. აბას I კატევორიულად უცხადებდა რუსთა ხელმწიფებს: თუ თქვენს მხარეს დაიჭერენ კახელები, მიუხედავად ჩვენი მეგობრობისა და სიყვარულისა, მათ ჩვენკენ მობრუნებას არ მოვერიდებითო.<sup>2</sup>

ერთი სიტყვით, 1616-1618 წლებში, როდესაც თეიმურაზ I რუსეთისაგან დიპლომატიური დახმარების მიღებისათვის ელჩობას გზავნიდა და ერთხანს თვითონაც ფიქრობდა მოსკოვში გამგზავრებას, რუსეთისათვის კახეთის მხარდაჭერა მეორეხარისხოვნ საკითხს წარმოადგენდა და გამორიცხავდა რამე რეალურ შედეგს. პირიქით, სუსტი დიპლომატიური სიგნალები, რომლებიც შაჰის ფურამდე აღწევდნენ, უფრო ნეგატიურ ფონს ქმნიდა ირან-საქართველოს ურთიერთობაში. რუსეთის კახეთში ფეხის მოკიდების პერსპექტივა ირანის შაჰის მხოლოდ „გურჯისტანის საკითხის“ ძალისმიერი გადაწყვეტისაკენ უბიძგებდა.

აღნიშნულის მიუხედავად, 1614-17 წლებში კახეთში შაჰ-აბასის ლაშქრობებში რუსეთის ფაქტორს მხოლოდ მეორეხარისხოვნი როლი შეიძლება ეთამაშა. თეიმურაზ მეფის ელჩობა ხარისტონის მეთაურობით მხოლოდ 1618 წელს ჩავიდა მოსკოვში – ე. ი. *post factum*, კახეთში ყიზილბაშთა ოთხი გამანადგურებელი ლაშქრობის შემდეგ. კახეთის განადგურება ვერც თეიმურაზ I-ის რუსეთთან ურთიერთობის აღდგენას დაბრალდება. მაშ, რა იყო კახეთის მოთხრის ჭეშმარიტი მიზეზი?

ქართულ ისტორიოგრაფიაში დიდი ხანია, თითქოს დადგენილია და აღიარებულია ეს მიზეზი – იგი შაჰ აბასის იდეიდან მომდინარეობდა და მიზნად ისახავდა კახეთის დაცლას მკვიდრი მოსახლეობისაგან, მის გადასახლე-

<sup>2</sup> Н. Т. Накашидзе. Грузино-руssские политические отношения в первой половине XVII века, გვ. 68.

ბას ორანში და მის ადგილზე ყიზილბაშურ-თურქმანული ტომების ჩამოსახლებას. მაგრამ არ არის გარკვეული და დაღვენილი, როდის და რა მიზეზით უნდა შემუშავებინა ეს ანტიქართული პროექტი ირანის შაჰს.

აი, დამასასიათებელი თეზისი: „შაჰი თავის გადაუდებელ ამოცანად სახავდა ქართლ-კახოვის სამეფოების მოსპობას, იქ მაპმადიანი მოსახლეობის ჩასახლებასა და სახანოების შექმნას. იგი დიდი წნის განმავლობაში ემზადებოდა თავისი მიზნის განსახორციელებლად“.<sup>3</sup> აქ ვთარება ისეა წარმოდგენილი, თითქოს შაჰ აბასს კახეთის მოთხრა უკვე 1603 წლიდანვე ჰქონდა გადაწყვეტილი, როდესაც ოსმალეთის წინააღმდეგ ომი წამოიწყო. სამწუხაროდ, ამგვარ თეზისს არასოდეს არ ახლავს სათანადო წყაროს მითითება. თეზისი კი თავისთავად შეიცავს ერთი სახელმწიფოს მიერ მეორე ქვეყნის დაპყრობის სხვადასხვა ფორმისა და ხარისხის მქონე პროცესების გაუმიჯვნაობას, უზუსტობას. სხვადასხვა კატეგორიებია: ქართლ-კახეთის სამეფოების მოსპობა; სამეფოების დამორჩილება; მაპმადიანური მოსახლეობის ჩასახლება; სახანოების შექმნა და ა. შ. საეჭვოა, რომ ეს ყველაფერი ერთდროულად და თავიდანვე ჰქონდა მიზნად დასახული აბას I-ს. მით უფრო, რომ საამისო მითითებები და წყაროები არ არის დადასტურებული.

უფრო სარწმუნოდ და ბუნებრივად მოჩანს ის, რომ შაჰ აბასი თანდათან და გარკვეული გარემოებებისა და მოვლენების შემდეგ მივიდა თავის ზემოაღნიშნულ საშინელ გადაწყვეტილებამდე – მოესპო კახეთის სამეფო და მისი მოსახლეობა. 1603 წელს წამოწყებული ომის მთავარი მიზანი ამასის ზავის პირობების აღდგენა ანუ აღმოსავლეთ ამიერკავკასიის დაბრუნება, კერძოდ, ქართლისა და კახეთის სამეფოების დაპყრობა გახლდათ. შაჰ აბასის ეს განხრახვა სადავო არ არის. საფიქრებელი ის არის, რომ კახეთის მოსახლეობის დეპორტაცია შაჰის თავდაპირველ გეგმებში არ შედიოდა. მით უფრო არ ითვალისწინებდა იგი ქართლის მოსახლეობის აყრა-გადასახლებას, ყოველ შემთხვევაში, ამ ეტაპზე მაინც.

1606 წელს შაჰმა ქართლისა და კახეთის მეფებად, შესაბამისად, 14 წლის ლუარსაბი და 16 წლის თეიმურაზი დაამტკიცა. ახალგაზრდა მეფეებს დიდი სივრთხილე ჰმართულდათ ირანის მეტად შორსმჭვრეტელ მბრძანებელთან ურთიერთობაში. გავიხსენოთ, თუ როგორ ახერხებდნენ ისინი ამას.

ამჯერად ჩვენ უფრო თეიმურაზის პიროვნება გვაინტერესებს. ქართლიდან ახლად გასულმა შაჰმა შემახას აღყა შემორტყა და დასახმარებლად

<sup>3</sup> საქართველოს ისტორიის ნარკვევები. გ. IV. რედ. მამია დუმბაძე. თბ. 1973, გვ. 262.

თეიმურაზი იხმო ჯარითურთ. ამ უკანასკნელმა თავის სიუზერენს უარი შეუთვალა და ლაშქრობისაგან განთავისუფლება სთხოვა. ისკანდერ მუნში წერს: „მაგრამ მან (თეიმურაზმა) ზოგიერთი იმ ბოროტგამზრახველის მიერ ცდუნებულმა, რომელნიც მუდამ აცდენდნენ უვიცს და გამოუცდელ (თეიმურაზს) სწორ გზას და არწმუნებდნენ მას, არ წასულიყო ცის მსგავს სასახლეში (შაპის კარზე), ყალბი ბოდიში მოითხოვა და ითხოვა, რომ გაეთავისუფლებინათ მქამად მაღალ კარზე ხლებისაგან და რომ გამოგზავნიდა თავის დედას, დედოფალს, რომელიც (მისი) ქვეყნის მთავარი საქმეების გადამწყვეტი იყო, რამდენსაც შეძლებდა და მოახერხებდა, იმდენის ლაშქრით“.

იმ საბაბით, რომ ქართველი მეფის გამოუცხადებლობა სხვა ქვემევრდომებისათვის დაუმორჩილებლობის ცუდი და გადამდები მაგალითი არ გახდესო, შაპმა თეიმურაზისთვის შეათვლევინა უბრალოდ, „ის მარტო მსუბუქად გვეახლოს“, ლაშქრობისაგან განთავისუფლება და უკან დაბრუნების ნებართვა გვთხოვოს. მაგრამ, – განაგრძობს შაპის მეხოტბე-ისტორიკოსი ისკანდერ მუნში, „(თეიმურაზმა) ბოროტგამზრახველების წაქეზებით, ამჯერად საპატიო მიზეზის გარეშე უარი თქვა (მოსვლაზე) და (შაპის) სამსახურზე ბედნიერებას არ ეზიარა... რამდენიმე დღის შემდეგ მაღალ ურდოში მოვიდა დედამისი ქართველთა ჯარის ერთი რაზმით, რომელიც სულ ათასზე მეტი კაცისაგან არ შედგებოდა... ხელმწიფების ეწყინა ეს უხამსი საქციელი“, მაგრამ არ შეიმჩნია. ჩვენ, რა თქმა უნდა, შორს ვართ იმ აზრისაგან, რომ შაპ აბასის მლიქენელი ისტორიკოსის არგუმენტები ჭეშმარიტებად მივიჩნიოთ, მაგრამ მას ანგარიში მაინც უნდა გავუწიოთ. ისიც უნდა ვაღიაროთ, რომ თეიმურაზის საქციელში პირადი პასუხისმგებლობისაგან გაქცევა-არიდება და მშობლის კალთას ამოფარება იკითხება.

შაპმა წყენა გულში ჩაიკლა. ოსმალეთთან ომი გრძელდებოდა და კახთა ან მათი მეფის დასჯაზე ფიქრის დრო არ იყო. მან ქეთევან დედოფალს ირანულ-ყიზილბაშურად პატივი სცა: „თეიმურაზის დედა გაბედნიერებული იქნა ხელმწიფის პარამხანის მანდილოსნებთან შეხვედრით“, ხოლო კახთა რაზმისათვის არაფერი დაუვალებით.<sup>4</sup>

1610 წლის ზაფხულში შაპმა ისევ დაიბარა თეიმურაზი. ეს უკანასკნელი ამჯერად ეახლა ირანის მბრძანებელს და ამით ცოტათი გამოასწორა-გა-

<sup>4</sup> ისქანდერ მუნშის ცნობები საქართველოს შესახებ. საბარსული ტექსტი ქართული თარგმანითა და შესავლითურთ გამოსცა ვლადიმერ ფუთურიძემ. თბ. 1969, გვ. 70.

მოისყიდა თავისი ადრინდელი ურჩობა. საბოლოო კონფლიქტის პირობები 1612 წლის ზაფხულში შეიქმნა. შაპმა კვლავ დაიბარა თეიმურაზი და ქართლის მეფე ლუარსაბ I. ირანის მბრძანებელს არც ერთი გახლა და არც მეორე, რაც „აჯანყებას უდრიდა – ამით ისინი შაპის ვასალობაზე უარს ამბობდნენ“<sup>5</sup>. გაურკვეველია, რამ მისცა საფუძველი ქართველი მეფების ამ უცნაურ ერთსულოვნებას. ირან-ოსმალეთის ომის სასწორი ირანის გამარჯვებისკენ იყო გადახრილი. ქართველი მეფების საქციელი ოსმალეთის მძღველი ირანთან ქართლისა და კახეთის დაპირისპირებას და მასთან მარტოდ დარჩნას ნიშნავდა.

მართლაც, 1612 წლის 20 ნოემბერს სტამბოლში ირან-ოსმალეთის ზავი დაიდო. ძირითადად აღდგა ამასის ზავის პირობები. შაპმა გადაწყვიტა დაუყოვნებლივ ესარგებლა ზავით და დაეპყრო ქართლ-კახეთი. მან თავი მოუყარა ჯარებს და 1613 წლის ოქტომბერში საქართველოსაკენ დაიძრა, თან ხმებს ავრცელებდა, ვითომდა ოსმალეთის დასალაშქრავად მიდიოდა. 1613-14 წლების ზამთარი შაპმა განჯაში გაატარა.

რას აკეთებდნენ ამ დროს ქართველი მეფები? მეფე-პოეტი არჩილი თავის ცნობილ პოემაში: „გაბაასება თეიმურაზისა და რუსთველისა“, რომელ-შიც კახთა მეფის ცხოვრებაა აღწერილი, თეიმურაზს ათქმევინებს: ირანის შაპი „განჯას მოვიდა მოპარვით, ამბავი ვერ ვსცნო მოსვლისა, სიტყვა რამ შემოეთვალა იქიდამ სხვაგან წასვლისა“. ე. ი. ირანელთა გამოზამთრება მეზობელ განჯაში ქართველ მეფებს „მოპარვად“ ჩაუთვლიათ და ამიტომაც არც საომრად მომზადებულან, თუმცა არც მორჩილებას აპირებდნენ.

აბასმა თეიმურაზს მძღვებად შვილები მოსთხოვა. ცხადია, ირანის შაპი ვერაგულადაც მოქმედებდა და უზნეოდაც. იგი გამოუვალ მდგომარეობაში აყენებდა მეფებს, მაგრამ სწორედ ამგარი მწარე რეალობა მოითხოვდა მეფებისგან გონივრულ, შორსმჭვრტელ, აწონილ-დაწონილ და თავგანწირულ მოქმედებასაც. პირველ რიგში, მათ ის უნდა გადაწყვიტათ, აპირებდნენ თუ არა ბრძოლას და თუ აპირებდნენ, რა რესურსებით, შესაძლებლობებითა და ვისი იმდიოთ. სწორედ ეს ვერ გადაწყვიტეს. თეიმურაზმა მძღვებად თავისი უმცროსი შვილი აღექასნდრე და დედა ქეთევანი გაუგზავნა შაპს, ხოლო მოგვიანებით, უფროსი შვილი ლევანიც. ასეთი მძიმე გადაწყვეტილების შემდეგ ცხადია, თეიმურაზი თითქოს სრული მორჩილების გზას უნდა დადგომოდა, მაგრამ მან საწინააღმდეგო ქმედება, დაგვიანებული და აზრს მოკლებული

<sup>5</sup> საქართველოს ისტორიის ნარკვევები. ტ. IV, გვ. 262.

მზადება დაიწყო საომრად. თუ ომს აპირებდა, მმევლებს რაღას აგზავნიდა?

ამის შემდეგ შაპმა თვით თეიმურაზი დაიბარა, მაგრამ კახეთის მეფე არც აჯერიად წავიდა ირანის მპრისანგელოთან და კვლავ განაგრძო ომისათვის მზადება. შაპ აბასის პირველი ლაშქრობა რომ კახეთის აოხრებით დამთავრდა, კარგადაა ცნობილი. აქ ჩენოვის საინტერესო ისაა, რომ თეიმურაზის ნახევრად მორჩილებამ თუ დაუმორჩილებლობამ შშვენიერი საბაბი მისცა აბასს, კახეთი აეკლო. ქართველი მეფები თითქოს ახლა მიხვდნენ წინააღმდეგობის უაზრობას, დასავლეთ საქართველოში გაიქცნენ და იმერეთის მეფე გიორგი III-ის (1605-1639 წწ.) კარს შეეხიზნენ. შაპმა იმერეთის მეფეს სტუმრების გაცემა მოსთხოვა. სტუმარ-მასპინძელს შორის დიდი ბჭობა გაიმართა. ლუარსაბმა განაცხადა, რომ შაპთან წასკლა აუცილებელი იყო. გიორგი III და თეიმურაზი დაბეჯითებით ურჩევდნენ ქართლის მეფეს, რომ თავი არ დაეღუპა და შაპთან არ გამოცხადებულიყო. მაგრამ ლუარსაბმა მტკიცე წებისყოფის კაცი აღმოჩნდა – მან ქვეყნის ბედი საკუთარ თავზე მაღლა დააყენა. არჩილი აკი ათქმევინებს ლუარსაბს:

„ანუ ქართლი ავაოხრო დახოცით და მერე წვითა“

გვითხრა: „წავალ უსაცილოდ, აბა თქვენ და აქა სვითა!“

თეიმურაზი ერთში მართალი იყო, შაპი რომ სიკეთეს არ უმზადებდა ლუარსაბს, ცხადი ჩანდა, მაგრამ თუ არ წავიდოდა, მის ქვეყნას რა სიკეთეს დააყრიდნენ? კახეთის მაგალითი წინ იდო. ლუარსაბმა თავი გაწირა, ჯერ ქვეყნისათვის, მერე კი სარწმუნოებისათვის. როცა შაპმა ისლამის მიღება მოსთხოვა, ახალგაზრდა მეფემ უარი განაცხადა და ამისათვის მოწამეობრივი სიკვდილით აღესრულა. ფაქტია, ქართლი გადარჩა აოხრებას.

თეიმურაზს შაპთან გამოცხადება არც უფიქრია. ის ეტყობა განსხვავებულად სჯიდა. მან ფაქტობრივად, საკუთარი მეფობის შენარჩუნებისათვის ბრძოლაში კომპრომისი არ დაუშვა და სახანოდ კახეთის გადაქცევა გამორიცხა. რაც მთავარია, მან ამ მიზნისათვის გაწირა ყველა და ყველაფერი. ამგვარმა პოლიტიკამ ჯერ შეცდომების, მერე მძიმე შეცდომებისა და საბოლოოდ დანაშაულის სახე მიიღო. გავიხსენოთ შემდეგი მოვლენები.

1614 წელს ირანელებმა აღმოსავლეთ საქართველო დატოვეს. აქ მათი გარნიზონები დარჩა. 1615 წლის მაისში ოსმალეთმა ჯარების თავმოყრა დაიწყო ირანის საზღვრებზე. იმერეთში მყოფმა თეიმურაზმა კახეთის აჯანყებისაკენ მოუწოდა. კახელები მართლაც აჯანყდნენ, ირანელები განდევნეს და თეიმურაზი კვლავ მეფედ მიიპატიუეს. თეიმურაზმა შაპის მიერ კახეთში გა-

მოგზავნილი აღი ყული ხანის ლაშქარი გაანადგურა. ამის შემდეგ ისლა დაგვრჩენია, „ირანის ლომის“ გააფორმებული სახე წარმოვიდგინოთ. როგორც აბასის ფეხის მტვერი – მემატიანე ისკანდერ მუნში წერს, „შაპის უწმინდეს გონებას ხელმწიფის კეთილშობილური აღტკინების აღი და მისი მძინვარების ცეცხლი ისეთი ძალით ავარდა, რომ ყოველი მისი ნაპერწკალი ქვეყნიერების დამწველი მეხი იყო“.

საერთოდ, ჩვენს ისტორიოგრაფიაში გადაჭარბებულია შაპ აბასის პირველი ლაშქრობის სისასტიკის აღწერა. ცოტა რამ ირანულ წყაროებსაც უნდა დავუკეროთ. მაგალითად, იგივე მუნში გვარწმუნებს, რომ პირველი ლაშქრობის დროს ყიზილბაშები შაპის შიშით ვერ ბედავდნენ კახეთის მოსახლეობის ძარცვა-გლეჯას. რა თქმა უნდა, ისანი არც ჰუმანურად მოექცეოდნენ დაპყრობილ ქვეყანას, მაგრამ, ფაქტია, პირველი ლაშქრობა არ იყო ისეთი საშინელი მასტებისებისა და მიზნების მატარებელი, როგორც აბასის მოძღვნო შემოსევები. პირველი ლაშქრობის დიდი სისასტიკის შესახებ არც „ქართლის ცხოვრება“ გვაწვდის ცნობებს. აქ უფრო იმაზეა საუბარი, რომ ყიზილბაშებმა ეკლესია-მონასტრები წაბილწეს და გაძარცვეს. ქართული წყარო თავისი დუმილით თითქოს ადასტურებს მუნშის ცნობას, რომლის მიხედვითაც, ყიზილბაშებს განსაკუთრებით დაუზარალებიათ კახეთის ორი ოლქი, ერწო და ოანეთი, საიდანაც წაუსხიათ 30 000 ტყვე და დიდმალი საქონელი.

აი, სულ სხვა იყო ყიზილბაშების მეორე ლაშქრობა, მაგრამ ჯერ ამ კატასტროფის მიზეზებზე შევჩერდეთ. აშკარად ჩანს, რომ შაპ აბასის პირველი ლაშქრობისას მხოლოდ ქართლ-კახეთის დაპყრობა და როგორც თანამედროვე ირანელი ისტორიკოსი ნასროლა ფალსაფი წერს, „საქართველოს ვილაიეთის ირანთან შეერთება ჰქონდა გადაწყვეტილი“.<sup>6</sup> აქ მეორეხარისხოვნი მნიშვნელობა აქვს ამჯერად ჩვენთვის იმ გარემოებასაც, რომ შაპს, რა თქმა უნდა, სამეფოები უნდა გაეუქმებინა და ისინი სახანოებად გარდაექმნა. ჩვენთვის ისაა მთავარი, რომ ამჯერად შაპ აბასის ქართლისა და კახეთის მოსახლეობის აყრა და გადასახლება მიზნად არ ჰქონია და ჯერჯერობით, არც საამისო ნაბიჯი გადაუდგამს.

ამ გადაწყვეტილებამდე შაპი კახეთის 1615 წლის აჯანყებამ, აღი ყული ხანის ყიზილბაშური ჯარის გაწყვეტამ და ოეიმურაზის კვლავ გამეფებამ მიიყვანა. მძიმე დანაშაულის ტოლფასი შეცდომა დაუშვა არა მარტო თეიმუ-

<sup>6</sup> ნასროლა ფალსაფი. შაპ აბას პირველის ცხოვრება. უცხოური ლიტერატურის რეფერატული კრებული. ისტორია. თბ. 1978, გვ. 37.

რაზმა, არამედ, საერთოდ, კახეთის სამეფოს მთელმა პოლიტიკურმა ელიტამ, მაშინდელმა ცნობილმა მოღვაწებმა: დავით ჯანდიერმა, ნოდარ ჯორჯაძემ, შერმაზან ჩილოფყაშვილმა და სნევგბამა, რომლებმაც თეიმურაზმა თავისი არა-შორისმჭვრეტელობა, სპონტანურობა, აჩქარებულობა, ვერ გათვალა ელემენტა-რული მოსალოდნელი შედეგები, გამოავლინა ის, რასაც პოლიტიკური სფეროში ირაციონალიზმი შეიძლება ეწოდოს. ამას დაქმატა კიდევ ერთი პოლიტიკური სიბეცე – თეიმურაზმა ირანის მოსისხლესთან, ოსმალეთთან დაამყარა კავშირი და ოსმალეთის ხონთქარს მოკავშირედ გაუხდა, იმ ოსმალეთს, რომელსაც არა მარტო ირანი, არამედ რამდენიმე ევროპული ქვეყანა: ავსტრია, პოლონეთი, ბალკანელები, რუსეთი და სხვანი ებრძოდნენ.

როგორ არ უნდა დაეჯეროს ისევ შაპის გამაღმეროთებელ ისტორიკოსი ისკანდერ მუნშისეულ შეფასებას: „რადგანაც დვითის განგებით გადაწყვეტილი იყო კახეთის ვილაიეთის დაწერევა, იქაურ ურწმუნოთა გაწყვეტა და ისლამის გამშვენიერება, იმ ურჯულოთა ასი ათასზე მეტი ქალისა და ბავშვის გამოყვანა... ამიტომ ბედკრულმა თეიმურაზმა, ბედის შემობრუნების გამო, ყველაფერი გააკეთა თავისი უბედურების და იმ საწყალი ხალხის დახოცვისა და დარბევისათვის“.<sup>7</sup>

კახეთში ნამდვილი კატასტროფა დატრიალდა. 100 000 მცხოვრები მტერს შეაკვდა, 200 000 ირანში გადაასახლეს. აყვავებული ქვეყანა, სადაც ალექსანდრე II-ის დროს, „მოარული ყველა მღერდა“, ხოლო თვით მეფე ჩიოდა თურმე, ხალხი ისეა მომრავლებულ-მოშენებული, რომ კახეთში სანა-დირო ადგილები აღარ დამრჩაო – უდაბურ, მიტოვებულ, გაპარტახებულ ტე-რიტორიად იქცა. სამწუხაროდ, კახეთის დაქცევის ერთ-ერთი მიზეზი სამეფოს მაშინდელი ელიტისა და მისი მეთაურის, თეიმურაზ I-ის ახლომხედ-ველური პოლიტიკა აღმოჩნდა.

ახლა კვლავ დავუბრუნდეთ რუსეთ-საქართველოს ურთიერთობას.

თეიმურაზ I-ის შეცდომებმა ყველაზე რელიეფურად რუსეთთან ურ-თიერთობაში იჩინა თავი. სამწუხაროდ, უკვე 1618-1619 წლებიდან ამ შეც-დომებმა სულ უფრო მწარე შედეგების მოტანა იწყო, ვერ თვით თეიმურაზის ახლო გარემოცვისათვის, მერე კი – მისი ქვენისათვის. ჩვენ იმას სრულიადაც არ უარვყოფთ, რომ ქართველი მეფეების ლტოლვა რუსეთისკენ, მაპმადიანურ-აგრესიულ გარემოცვაში დარჩენილი საქართველოსთვის, სავსე-

<sup>7</sup> ისკანდერ მუნშის ცნობები საქართველოს შესახებ, გვ. 102.

ბით ბუნებრივი მოვლენა გახლდათ. მაგრამ რუსეთზე იმედის დამყარება და მისი დახმარების მოლოდინი XVII საუკუნის მანძილზე და XVIII საუკუნის დასაწყისის პერიოდში სრული იღუზია იყო. ეს იღუზია თავის ძირითად პოლიტიკურ კურსად აქცია თეიმურაზ I-მა. მისი პრორუსული ირაციონალური პოლიტიკის პირველ მსხვერპლად, როგორც აღვნიშნეთ, ჯერ მისივე მძევალი გაფიშვილები იქცნებ.

1623 წლის დეკემბერში მოსკოვში ჩავიდა თეიმურაზის ელჩი არქიეპისკოპოსი თეოდოსი. კახთა მეფე სიგელით ეკითხებოდა რუსეთის ხელმწიფების, მიხეილ თევდორეს ძეს: ჯარს მომცემ დასახმარებლად, თუ ფულს. მოსკოვში კახეთის ელჩის არაორაზროვნად აუხსნეს, რომ არც ერთით და არც მეორით არ შეეძლოთ დახმარება.<sup>8</sup> ამის შედეგა თეიმურაზის ელჩმა მოსკოვის ხელისუფლებას სთხოვა, დიპლომატიური არხით მაინც დახმარებოდა განდევნილობაში მყოფ მეფეს და შაპ აბასთან ეშვამდგომლა. რუსეთი ისე ერიდებოდა ძლევამოსილ ირანის შაპთან მეგობრული ურთიერთობებისათვის ჩრდილის მიყენებას, რომ შუამდგომლობაზეც უარი თქა. ყველაფერი ეს კი იმით დამთავრდა, რომ თეიმურაზის ანტიირანული დემარშებით გაღიზიანებულმა შაპ აბასმა 1624 წლის 12 სექტემბერს არაადამიანური წამებით მოაკვლევნა თეიმურაზის დედა ქეთევან დედოფალი. საკმაო საფუძველი არსებობს იმისა, რომ კახთა დედოფლის წამებული სიკვდილი თეიმურაზ მეფის ოსმალეთთან კავშირისა, რუსეთში მორიგი ელჩობისა და დახმარების ძიების პირდაპირ შედეგად მივიჩნიოთ.

რამდენიმე წლის შემდეგ, 1634 წელს, თეიმურაზმა კახეთის ტახტი დაიბრუნა. იგი, როგორც წინა შემოხვევებში, კვლავ მიიწვიეს. კახეთში დაბრუნება, ცხადია, არ მომხდარა რუსეთის არანაირი ჩარევით. თეიმურაზი ირანთან კომპრომისზე წავიდა. მან ახალ შაპს, სეფი I-ს, თავისი ქალიშვილი თინათინი მიათხოვა. შაპ სეფი (1629-1642 წწ.) ოსმალეთთან ახალი ომის მოლოდინში იყო და თეიმურაზთან შერიგება ხელს აძლევდა. მან საჩუქრები გამოუგზავნა თეიმურაზს და კახეთში მისი გამეფება ცნო. თითქოს სტაბილური კითარების პირობები შეიქმნა. თეიმურაზს წინ ქართლში როსტომ-ხანის მმართველობის მაგალითი ედო – 1632-33 წლებში ირანის შაპმა ქართლის მეფედ დანიშნა სვიმონ მეფის ძმის – დაუთ ხანის შვილი, გამაპმადიანებული როსტომი (ხოსრო-მირზა). მართალია ქართლმა ფაქტობრივად დამოუკიდებ-

<sup>8</sup> Н. Т. Накашидзе. Грузино-руssские политические отношения в первой половине XVII века, გვ. 87.

ლობა დაკარგა, მაგრამ ქვეყნამ ცოტა წნით მშვიდობიანად მოისვენა და აღ-მშენებლობა დაიწყო. ოეიმურაზი უკეთეს ვითარებაში იმყოფებოდა – იგი კა-ხეთში ქრისტიანობის უფლებით იჯდა მეფედ და ვასალურ სახელმწიფოებრიობას ინარჩუნებდა.

აი, ამგვარ პირობებში, როცა ძირიანად მოთხრილ კახეთს მშვიდობიანობის პერსპექტივა შეექნა, ოეიმურაზმა მორიგი ელჩობა გაგზავნა რუსეთში – 1635 წელს. ოეიმურაზი მეფე მიხეილ რომანოვს გულნაკლუულად საყვედუ-რობდა, თქვენ სრულიად დაგვივიწყეთ დიდი წნის განმავლობაში, ჩვენ კი, ღმერთია მოწამე, სულ გვახსოვდითო. ჩვენ თქვენთან მეგობრობა გვინდა, მაგრამ ამას ხელს უშლის ირანის შაჰიო, რომელიც შიშობს, რომ ჩვენ თქვენთან არ შევერთდეთო. მერე კი ტრაბახობს კიდეც დაქცეული კახეთის მეფე: „ახლა მე თეიმურაზი, ერთი ვარ მის წინააღმდეგ, ხოლო მას არ შეუძლია ჩემი ძლევა, ხოლო – თუ მოსკოვის მეფესთან სიყვარულით ვიქნები, ის მე ვერასოდეს ვერ მძლევს“.

რუსეთის ილუზორული დახმარებით დაიმედებული თეიმურაზ I, 1639 წლის 23 აპრილს ფიცს დებს რუსეთის ხელმწიფის ერთგულებაზე, რასაც მოსკოვი დაუინებით ითხოვს. ერთგულების ფიცი რუსეთის მფარველობას ნიშნავს, ეს იყო ალექსანდრე II კახთა მეფის 1587-89 წლებში დადებული ფიცის წიგნის ანალოგიური ხასიათის აქტი.

რუსეთი მარტო კახეთის კი არა, მთელი „ივერიის მიწების“ დაცვას კისრულობდა, ოღონდ ქალალდზე. მას არც ახლა, არც შემდგომში, ერთი ჯარისკაციც არ გამოუგზავნია „უბედური თეიმურაზის“ (ისკანდერ მუნში) და-საცავად. სამაგიეროდ, თავადი ფ. ვოლკონსკის მეთაურობით კახეთში წარ-მოგზავნილმა ელჩობამ მოსკოვიდან ჩამოიტანა მრავალი საეკლესიო ჭურჭ-ლუულობა, 300 ხატი, წიგნები, ხატმწერები... იგივე ან მსგავსი სურათი გან-მეორდა მომდევნო ელჩობების დროსაც, რომლებიც მიდი-მოდიოდნენ გრეშია და მოსკოვს შორის. 1643 წელს რუსეთის მეფე მიხეილ რომანოვი კახეთის მეფეს წერდა: „ყველა შენი მტრებისაგან მოწყალე უფალი დაგიფარავს. ხო-ლო როცა მოვა დრო, ჩვენც შენ მეფე თეიმურაზს, ჩვენს მეფურ მოწყალებას და დახმარებას გავუწევო“<sup>9</sup>.

ასეთი დრო არ დადგა. 1648 წელს თეიმურაზი საბოლოოდ დამარცხდა და იძულებული გახდა კახეთს სამუდამოდ გამოთხოვებოდა. მისმა უკომპრო-

<sup>9</sup> М. Полиевктов. Материалы по истории грузино-русских отношений 1615-1640 гг. Тб. 1937, გვ. 173

მისო პოლიტიკამ ისედაც გაოხრებული სამეფო, სისხლისაგან დაცალა. და-მარცხებულ მეფეს თვით ყველაზე ერთგული თანამებრძოლებიც კი გადაუდგ-ნებ და როსტომ ქართლის მეფეს თეიმურაზის დატყვევებას სოხოვდნენ. თეი-მურაზმა კვლავ იმერეთს შეაფარა თავი, ხოლო კახეთი შაჰმა როსტომ ხანს უბოძა.

თეიმურაზმა ახლა უფრო მეტი ენერგიით და ჯოუტად განაგრძო რუ-სეთში ელჩების გაგზავნა. ფაქტობრივად, ამ პერიოდიდან – 1648 წლიდან, მისმა ბრძოლამ დაკარგა ის ეროვნულ-სარწმუნოებრივი ხასიათი, რაც აქამდე ჯერ კიდევ ინარჩუნებდა და მიიღო საკუთარი მეფობისა და ხელისუფლების აღდგენისათვის ბრძოლის შინაარსი. ამ ბრძოლას კახეთ-საქართველოსათვის – რუსეთის დახმარებით თუ რუსეთის ჩარევით ამიერიდან, მხოლოდ უარყო-ფითი შედეგების მოტანა შეეძლო და ასეც მოხდა. ირანისთვის უკვე ცხადი გახდა, რომ თეიმურაზთან კომპრომისი შეუძლებელი იყო და მან საბოლოოდ გადაწყვიტა, ერთხელ და სამუდამოდ მოეშალა ის საფუძველი, რომელიც თეიმურაზისთვისაც და რუსეთისთვისაც სამხრეთ კავკასიაში დამკვიდრების ბაზას წარმოადგენდა – კახეთის მოსახლეობა. ირანში კახეთის მკვიდრი მო-სახლეობის სრული გადაშენება გადაწყვიტეს. 1656 წელს კახეთი როსტომს ჩამოართვეს და განჯის ხანს – სელიმს გადასცეს. ეს გეგმის პირველი ნაწილი კახლდათ. შემდგომში ირანელებმა კახეთში სამი დიდი ციხე ააგეს, კახე-თი ორად გაყვეს, ისინი ყიზილბაშ ხანებს გადასცეს და საბოლოო ღონისძიე-ბა განახორციელეს – კახეთში 80 000-მდე თურქმანი ჩამოასახლეს.

ქართველი მოსახლეობა სრული გადაშენების საფრთხის წინაშე აღმოჩნდა. კახეთის თურქმანიზაციის პროექტის აღორძინებისა და განხორციელებისაკენ ირანის ხელისუფლებას თეიმურაზის პრორუსულმა ირაციონალურმა პოლიტიკამ უბიძგა. თეიმურაზის უგუნურმა საგარეო-პოლიტიკურმა კურსმა, ფაქტობრივად, დანაშაულებრივი შინაარსი და ხასიათი მიიღო. მდგომარეობა დაამძიმა იმანაც, რომ 1650-იან წლებში ირან-რუსეთის ურთიერთობა დაიძაბა. ასეთ ვითარებაში რუსეთმა საერთოდ აიღო ხელი ყველასგან იზო-ლირებული თეიმურაზის დიპლომატიურ მხარდაჭერაზეც კი, რასაც ადრე ეპიზოდურად მაინც მიმართავდა.

მიუხედავად რუსეთისგან დახმარების სრული უპერსპექტივობისა, თეი-მურაზმა ჯერ თავისი შვილიშვილი ერეკლე გაგზავნა მოსკოვის მეფის კარ-ზე, ხოლო 1658 წელს თვითონ ჩაგიდა რუსეთის დედაქალაქში. თუ ამ პე-რიოდის თეიმურაზის ნაბიჯებს დავაკვირდებით, მხოლოდ ერთი დასკვნა

შეიძლება გამოვიტანოთ – კახეთის ექსმეფის ღონისძიებებს, ელჩობებს, თხოვნებს, შვილიშვილის გაგზავნას და პირად ვიზიტს რუსეთში უკვე აღარ ერქვა რაიმე პოლიტიკური კურსის წარმოება. ეს იყო ლტოლვილი და იზოლირებული გვირგვინოსნის განწირული ცდები, როგორმე მიეპყრო რუსეთის ხელისუფლების ყურადღება და ეს ცდები დაცლილი იყო რაიმე რაციონალური პოლიტიკური შინაარსისგან. თეიმურაზი ყველანაირ დათმობაზე თანახმა იყო, ოდონდ რუსეთის მეფისგან დახმარება მიეღო. 1654 წელს თეიმურაზმა თანხმობა განაცხადა, რომ საქართველოს ეკლესიის მეთაურის ტახტზე რუსი მიტროპოლიტი დამჯდარიყო.<sup>10</sup> სხვა შემთხვევაში იგი გაურკვეველი მიზეზის გამო თავის შვილიშვილს – „ერეკლე-ნიკოლოზს“, მოსკოვის მეფის კარზე თითქმის მძევლის სტატუსით აგზავნიდა.<sup>11</sup>

თეიმურაზის მეფობის ამ ბოლო აბსურდული ეპიზოდიდან – მოსკოვში ვიზიტიდან, ერთი პოზიტიური შედეგი მაინც მიიღო ქართულმა მხარემ – კახთა ყოფილი მეფე თავისი 50-წლიანი მეფობის მანძილზე პირველად და პირადად დარწმუნდა, რომ რუსთა ხელმწიფისგან ნამდვილად ვერ მიიღებდა ვერანაირ სამხედრო-პოლიტიკურ დახმარებას. 1658 წლის 6 ივლისს რუსეთის მეფე ალექსი მიხეილის ძემ სასახლეში მიიღო „თავისი ქვეშვრდომი, ქართველი მეფე თეიმურაზ დავიდოვიჩი“ – ასე აღნიშნავდნენ რუსული წყაროები. თეიმურაზს კიდევ ერთხელ და მერაბდენედ აუხსენეს, რომ რუსეთი მას ჯარს ვერ მიაშველებდა და ამის მშვენიერი მიზეზიც ჰქონდათ – პოლონეთთან და შვეციასთან მიმდინარე ომი.

თეიმურაზი ხელცარიელი დაბრუნდა სამშობლოში, სადაც ფაქტობრივად თავშესაფარიც აღარ ჰქონდა. მისი დამარცხებებით სავსე ჯერ პოლოს-მალური და შემდეგ პრორუსული პოლიტიკა სრული ფიასკოთი დამთავრდა. ეს კიდევ არ იყო ყველაფერი და შეიძლება მხოლოდ მეფის პირად უბედურებად ჩათვლილიყო. მთავარი ისაა, რომ სხვა მიზეზებთან ერთად, თეიმურაზის ირაციონალურმა პოლიტიკამ ორჯერ დააყენა კახეთის მოსახლეობა დიდი საფრთხის, ჯერ გენოციდის, ხოლო შემდგომ – გადაშენების წინაშე.

<sup>10</sup> Н. Т. Накашидзе. Грузино-русские политические отношения в первой половине XVII века, გვ. 179

<sup>11</sup> ბ. ქარებაშვილი. „ამანათობის“ ინსტიტუტი საქართველო-რუსეთის ურთიერთობებში (XVI-XVIII სს). ივანე ჯავახიშვილის სახელობის თბილისის სახელმწიფო უნივერსიტეტის საქართველოს ისტორიის ინსტიტუტის შრომები. III. თბ. 2011, გვ. 224-226, 232.

*Dimitri Shvelidze*

## **FOREIGN POLICY OF TEIMURAZ I AND ITS CONSEQUENCES**

### **Summary**

During the first half of the 17<sup>th</sup> century Russia had no military and political strength to challenge Iranian influence in Eastern Georgia. In such circumstances, almost half a century, Teimuraz I King of Kakheti was permanently conducting pro-Russian foreign political course.

Along with other reasons, irrational policies of Teimuraz had twice put population of Kakheti Kingdom in a great danger, first, while genocide in 1616, and then while attempts of ethnic extinction in 1650s.